

समै – 12:25 hrs.

<><><><><><>

PM-Mann ki Baat

प्रधानमंत्री नरेन्द्र मोदी होरें अज्ज आकाशवाणी थ्वां प्रसारित अपने मन की बात कार्यक्रम च लोकें कन्ने अपने विचार सांझे कीते। अपने अज आहले मन की बात कार्यक्रम च प्रधानमंत्री होरें बक्ख बक्ख विशे पर गल्लबात कीती। उनें आक्खेआ जे 26 जनवरी 2025 गी साहडे संविधान गी लागू होए दे 75 बरे होने जा र'दे न । एह साहडे सारें लेई बड़े गै माने आहली गल्ल ऐ। साहडे संविधान निर्माताएं जेड़ा संविधान असें'गी सौंपेआ' ओ एह हर कसौटी पर खरी उतरेआ ऐ। उनें ओन्दे महाकुभ दी बी गल्ल कीती। उनें आक्खेआ जे कुभ दी खासियत ओदे विशाल होने च गै नेई ऐ सगुआं ओदी विविधता च बी ऐ। एह पैहली बारी होग जिसलै कुंभ च ए आई रोबोर्ट दा इस्तेमाल होग। प्रधानमंत्री होरें केटीबी गी बी गल्ल कीती। उनें आक्खेआ जे एह बच्चे दी पसंदीदा एनिमेंटिड सीरीज ऐ ते हुन एदा दुआ सीजन बी आवा र दा ऐ। उनें आक्खेआ जे एह त्रै किरदार असें गी भारत दी आजादी दे उनें नायकें ते नायिकाएं बारे दस्सदे न जिन्दे बारे च ज्यादा चर्चा नेई होई ऐ। प्रधानमंत्री होरें अगले बरे होने आहले वर्ल्ड आडियू विजुअल एटरटेनमेंट समिट दी बी गल्ल कीती। एह समिट भारत च होग ते एदे च दुनिया भरै दा मीडिया ते मनोरंजन कन्ने जुडे दियां हस्तियां हिस्सा लैडन। प्रधानमंत्री होरें आक्खेआ जे 2025 यानि कि नमा बरा ओने आहला ऐ उनें सब्बनें गी एदियां शुभकतामना दितियां। उनें मेद जाहिर कीती जे नमे बरे च भारत नमिएं उचाईए गी हासिल करौग। उनें इक बारी परतिए सबेबनें गी अपील कीती जे ओह मन की बात कार्यक्रम लेई अपने विचारें गी सांझा करन।

<><><><><><>

ISRO

भारतीय अंतरिक्ष अनुसंधान संगठन-इसरो नै सोमवार गी प्रक्षेपित कीते जाने आहले अपने स्पेस डोकिंग एक्सपेरिमेंट-स्पेडेक्स मिशन आस्तै सारियां त्यारियां पूरियां करी लैतियां न। अंतरिक्ष राज्य मंत्री डॉ. जितेन्द्र सिंह होरें इक इन्टरव्यू दौरान आक्खेआ जे बरे दे अखीरें च छोडे जाने आहला इसरो दा एह मिशन ऐतिहासिक ऐ, कि जे इसदे च अंतरिक्ष च दो उपग्रहें गी

जोड़ेआ जाग। डॉ. सिंह होरें आक्खेआ जे स्पेडेक्स मिशन कन्नै भारत अंतरिक्ष च उपग्रह दी डोकिंग करने आले चुनिंदा देशें च शामिल होई जाग। उने आक्खेआ जे पीएसएलवी रॉकेट सोयां दो उपग्रहें गी को छोड़ेआ जाग।

<><><><><><>

NH

जम्मू-श्रीनगर राष्ट्रीय जरनैली शिड़क गड़्डिएं दी आओजाई लेई खोली दिती गई ऐ। यात्रिएं गी सलाह दिती गई ऐ जे ओह ट्रैफिक नियमें दी पालमा करन ते अपनी-अपनी लैन च चलन। उआं मुगल रोड ते सिंथन शिड़क गड़्डिएं दी आवाजाई लेई बंद ऐ।

<><><><><><>

DC-Jammu PDD Review

जम्मू दे डिप्टी कमिशनर सचिन कुमार वैश्य होरें इक बैठक लाइए जिला कैपेक्स बजट तैहत बिजली विकास मैहकमे दी प्रगति ते कम्मकाज दा जायजा लैता। इस दौरान बिजली सरबन्धी ढांचे गी मजबूत करने लेई जत्न बी कीते गए। बैठक दौरान डिप्टी कमिशनर होरें पी.एम सूर्य घर, पी.एम कुसम ते होरनें स्कीमें दा जायजा लैता। उनें अफसरें गी हिदायत कीती जे ओह चला'रदे प्रोजेक्टें दी रफ्तार गी बढान तां जे उंदे लाह लक्षित लोकें तगर पुज्जी सकन।

<><><><><><>

Animal Husbandary

पशु पालन मैहकमा जम्मू आसेआ जिला ते सैक्टोरियल अफसरें आस्तै समर्थ निर्माण कार्यशाला दा वर्चुअल माध्यम राहें सरिस्ता कीता गेआ। इस दौरान उनेंगी किसान साथी "आउटपुट ट्रैकिंग ऐप" बारे जानकारी दिती गई। पशु पालन सरबन्धी निदेशक जम्मू हुंदे आसेआ डेयरी, मुर्गी पालन वगैरा च टेक्नोलॉजी दे इस्तेमाल पर जो पाया गेआ।

<><><><><><>

Army Camp Rajouri

राजौरी दी थन्नामंडी थाहा साबका फौजिएं ते वीर नारिएं कन्नै राबता कायम करने दे मकसद कन्नै भारतीय सेना आसेआ गल्लबात ते उंदे कन्नै मिलने सरबन्धी इक कार्यक्रम दा सरिस्ता कीता गेआ। इस दौरान उंदिएं समस्याएं, सेहत सेवा, पेंशन सरबन्धी मामलें ते वीर नारिएं, साबका फौजिएं ते उंदे परौआर दी परेशानिएं ते तकलीफें गी सुनेआ गेआ। इस दौरान उत्थे मौजूद

लोकें गी भारतीय सेना, सरकार, सरकारी नीतिएं ते खासतौर पर उंदे कल्याण लेई बनाई गेदी योजनाएं बारे जानकारी दिती गई।

<><><><><><>

Dogri-Sanstha

डोगरी संस्था जम्मू आसेआ कल के.एल सहगल हाल जम्मू च इंद्रजीत केसर हुंदी डोगरी कताब 'दोहरी' गी जारी कीता गेआ। इस कार्यक्रम च जम्मू यूनिवर्सिटी दे साबका साइव चेयरमैन आर.डी शर्मा होर बतौर खास परौहने शामिल होए। डोगरी संस्था जम्मू दे अध्यक्ष प्रो. ललित मगोत्रा होरें कार्यक्रम दी सदारत कीती। अपने संबोधन च प्रो. आर.डी शर्मा होरें डोगरी भाशा गी बढ़ावा देने च डोगरी संस्था दे जत्ने दी सराहना कीती।

<><><><><><>

JKSSB Exam Notification

जम्मू कश्मीर सर्विस सलेक्शन बोर्ड नै जूनियर सटैनोग्राफर ते सटेनो टाईपिस्ट जे इमेतेहान दी तरीक गी अगडा पाई दिता ऐ एह इम्तेहान पैहले 29 दिसम्बर 2024 गी होना हा हुन एह इमेतेहान 31 दिसम्बर 2024 गी होग। जम्मू कश्मी सर्विस सलेक्शन बोर्ड दी नोटिफिकेशन मूजब इम्तेहान दा समां, थाहर ते शिफत पैहले आहली गै रहौंग। पैहले सोयां जारी एडमिट कार्ड बी 31 दिसम्बर लेई मान्य होग।

<><><><><><>